



SINDIKAT BH TELECOMA-SARAJEVO
- VIJEĆE ZAPOSLENIKA -
Zmaja od Bosne 88 71000 Sarajevo; Bosna i Hercegovina
Tel: +38733 654067 ; Fax : +38733 654050
Mail : sindikat@bhtelecom.ba

Na osnovu članova 11, 50, 53 i 88 Statuta Sindikata BH Telecoma i člana 12 Pravilnika o finansijsko-materijalnom poslovanju Sindikata BH Telecoma, Sindikalni odbor OSO Direkcije Sarajevo donosi:

P R A V I L N I K

o formiranju i radu Fonda solidarnosti za liječenje

I OPŠTE ODREDBE

član 1.

Ovim Pravilnikom uređuje se način formiranja i funkcionisanja posebnog Fonda solidarnosti za liječenje Sindikata BH Telecom OSO Direkcije Sarajevo (u daljem tekstu Fond solidarnosti), utvrđuje se; sticanje, raspoređivanje, korišćenje i kriteriji; propisuje se način podnošenja zahtjeva za ostvarivanje prava za dodjelu pomoći (lica koja imaju pravo na pomoć); kontrola nad sredstvima Fonda, kao i druga pitanja koja su u vezi sa realizacijom prava članova Fonda na dodjelu pomoći koja nije obuhvaćena Kolektivnim ugovorom za radnike BH Telecoma i koja su značajna za rad Fonda solidarnosti za liječenje.

član 2.

Fond solidarnosti za liječenje se formira u cilju pružanja materijalne pomoći članovima OSO Direkcije Sarajevo, koji putem pismene izjave iskažu želju da postanu članovi fonda.

član 3.

Fond djeluje u sastavu OSO i Fondom upravlja Sindikalni odbor OSO, odnosno Komisija koju formira Sindikalni odbor.

Fond nema svojstvo pravnog lica. Komisija se sastoji od predsjednika Komisije i dva člana koji obavezno moraju biti članovi Sindikalnog odbora.

član 4.

Sredstva Fonda solidarnosti formiraju se izdvajanjem 1% neto plaće svih članova Fonda, donacijama i drugim prihodima.

II PRAVO NA MATERIJALNU POMOĆ

član 5.

Pravo pomoći iz Fonda solidarnosti imaju :

- članovi Fonda
- članovi porodice-domaćinstva člana Fonda (uža porodica)

Članom uže porodice – porodičnog domaćinstva smatraju se bračni drug i djeca (bračno.vanbračno,usvojeno,pastorče i dijete bez roditelja uzeto na izdržavanje) do 16 godina,odnosno do 25god koja se nalaze na redovnom školovanju.

- Član fonda može ostvariti pomoć nakon tri mjeseca pristupa fondu. Jednokratna materijalna pomoć može se dodjeliti članu Fonda kao i članu porodičnog domaćinstva jednom u toku godine(osim u izuzetnim hitnim slučajevima,kada će komisija razmotriti hitnost zahtjeva).

član 6.

Svaki član Fonda ostvaruje svoje pravo u punom iznosu definisanim članom 8 ovog Pravilnika.

Materijalna pomoć može biti jednokratna ili višekratna u skladu sa kriterijima i mjerilima utvrđenih ovim Pravilnikom.

Jednokratna pomoć(banjsko liječenje,bolesti,operativni zahvati,ortopedska pomagala i sl.)

Višekratna pomoć(refundacija troškova lijekova, CT snimak, magnetna rezonansa u privatnim i javnim zdravstvenim ustanovama i sl.)

Član 10.

III KRITERIJI I MJERILA ZA POMOĆ

član 7.

Član Fonda solidarnosti ima pravo na pomoć u slučajevima .

- a) bolesti
- b) bolesti člana porodičnog domaćinstva
- c) banjskog liječenja po preporuci ljekara specijaliste
- d) kupovine lijekova
- e) nabavke ortopedskih pomagala: Fond neće finansirati niti učestvovati u participaciji određenih pomagala kao što su : silikoni (osim u slučaju carcinoma dojke), Zubna (stomatološka) protetika ili bilo koji stomatološki zahvati (osim u slučaju teških oboljenja koja ugrožavaju život), estetska korekcija ili bilo koji zahvati koji nisu u cilju liječenja.

Član 8.

Pomoć se može dati u traženom iznosu ili u procentualnom učešću Fonda solidarnosti, zavisno od sredstava sa kojim Fond raspolaže.

- a) Fond će troškove operativnih zahvata i liječenja člana Fonda i članova porodičnog domaćinstva u javnim zdravstvenim ustanovama, isplaćivati u cijelosti , a maksimalno do 10.000 KM.
- b) Troškove banjskog liječenja člana Fonda ,participirati će se u visini od 400KM.
- c) Troškove kupovine lijekova za člana Fonda i za članove porodičnog domaćinstva. Fond će nadoknaditi kada pojedinačna cijena lijeka prelazi 50 KM,. Račun ne može biti stariji od 3 mjeseca.
- d) Troškove nabavke ortopedskih pomagala, Fond će participirati u visini od 30 %, a maksimalno do 5.000 KM, ukoliko cijena pomagala prelazi iznos od 500 KM.

član 9.

Troškovi operativnih zahvata, bolničkog liječenja, banjskog liječenja i nabavke ortopedskih pomagala će se uplaćivati na račun ustanove koja pruža uslugu, a ostale pomoći će se isplaćivati na račun člana Fonda.

Komisija će isključivo razmatrati zahtjeve za isplatu troškova lijekova, pregleda kod privatnih ili javnih zdravstvenih ustanova, kao i sličnih troškova koji su u skladu sa kriterijima i mjerlima utvrđenih ovim pravilnikom.

Troškove liječenja, operativni zahvati i sl, koji se obavljaju van granica BiH, isključivo će razmatrati Sindikalni odbor.

Podnešene zahtjeve, sa pratećom dokumentacijom, za isplatu jednokratne pomoći, po osnovu oboljenja ili teškog invaliditeta će se proslijediti: Zavodu za zdravstvenu zaštitu radnika u saobraćaju, javnim ili privatnim zdravstvenim ustanovama i sl, radi pribavljanja mišljenja i ocjene o ispunjavanju uvjeta za isplatu jednokratne pomoći.

Član fonda će participacijom isplatiti mišljenje i ocjenu ljekara, dok će ostale troškove refundirati Fond ili OSO Direkcije Sarajevo.

IV PODNOŠENJE ZAHTJEVA

član 11.

Zahtjev za dodjelu pomoći član Fonda podnosi OSO čiji je član.

Uz zahtjev dostavlja svu potrebnu dokumentaciju; nalaze komisije, mišljenje ljekara specijaliste, originalni računi, otpusno pismo, troškove liječenja, troškove za nabavku ortopedskih pomagala i druga prateća dokumenta.

član 12.

Komisija razmatra dostavljene zahtjeve i donosi pismenu odluku o dodjeli pomoći, a u skladu sa ovim Pravilnikom.

Primjerak odluke o dodjeli pomoći dostavlja se podnosiocu zahtjeva.

Ako Komisija ocijeni da tražena pomoć prelazi mogućnosti Fonda, te da su potrebna dodatna sredstva, zahtjev dostavlja Sindikalnom odboru OSO uz prijedlog za dodjelu određenog iznosa pomoći za svaki pojedinačni slučaj.

Prijedlog Komisije mora biti pismeno obrazložen. U toku jednog mjeseca komisija može odobriti pomoći u tolikoj vrijednosti da na računu mora ostati onoliko

sredstava koliko je vrijednost ukupnih primanja (članarine svih članova) u posljednja tri mjeseca.

Ukoliko se zahtjev odbija, podnosiocu zahtjeva obavezno je vratiti ljezarsku dokumentaciju koju je dostavio uz zahtjev.

Ove izmjene će se izvršiti isti dan po donošenju Odluke.

Pravilnik stupa na snagu isti dan po donošenju Odluke.

član 13.

Podnosilac zahtjeva može staviti prigovor na odluku Komisije za dodjelu pomoći u roku od osam dana.

Prigovor se dostavlja Sindikalnom odboru koji će odlučiti o opravdanosti prigovora i donijeti konačnu odluku.

V KONTROLA FONDA

član 14.

Novčana sredstva Fonda polažu se na račun za liječenje, a vodi se odvojena evidencija o utrošku sredstava Fonda.

član 15.

Neutrošena sredstva Fonda u jednoj godini prenose se u narednu godinu.

član 16.

Kontrolni uvid u korištenje sredstava Fonda u skladu sa donešenim aktima OSO vrši Nadzorni odbor OSO.

Nadzorni odbor podnosi izvještaj Sindikalnom odboru o pravilnosti korištenja sredstava Fonda, računu, vođenju knjigovodstvenih poslova i predlaže mjere za rad Fonda.

VI ZAVRŠNE ODREDBE

član 17.

Ovaj Pravilnik stupa na snagu danom donošenja od strane Sindikalnog odbora OSO, a primjenjivat će se do promjene pravilnika od strane Sindikalnog odbora OSO, poslije prve uplate svakog člana pojedinačno.

član 18.

Prijedlog za izmjenu i dopunu ovog Pravilnika mogu podnositi članovi Fonda i Komisija za dodjelu pomoći u OSO.

Svi prijedlozi za izmjenu i dopunu Pravilnika dostavljaju se Sindikalnom odboru OSO u pismenom obliku sa potpisom podnosioca prijedloga.

Izmjene i dopune ovog Pravilnika vršit će se na način i po postupku za njegovo donošenje.

Sarajevo, SINDIKALNI ODBOR

OSO DIREKCIJE SARAJEVO

Pod teškom bolešću podrazumijevaju se/ slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda se dokazuje na osnovu dijagnoze zdravstvene ustanove.

Član 8.

- e) Fond će troškove operativnih zahvata i liječenja člana Fonda i članova porodičnog domaćinstva u javnim zdravstvenim ustanovama, isplaćivati u cijelosti , a maksimalno do 10.000 KM.
,(za djecu do 26 godina koja se školuju 100%) , a maksimalno do 5.000 KM.
- f) Fond solidarnosti za liječenje će refundirati banjsko liječenje u iznosu od 400 KM linearno svakom članu koji podnese zahtjev, predračun banjskog lječilišta i preporuku ljekara-specijaliste.
- g) Troškove kupovine lijekova za člana Fonda i članove porodičnog domaćinstva Fond će nadoknaditi kada pojedinačna cijena lijeka prelazi 50 KM **ili kod teških obolenja kada pojedinačna cijena jednog lijeka ne prelazi 50KM a ukupna mjesečna terapija prelazi 100KM.** Račun ne može biti stariji od 3 mjeseca.
- h) Troškove nabavke ortopedskih pomagala, Fond će participirati u visini od (30%) **50%**, a maksimalno do 5.000 KM, ukoliko cijena pomagala prelazi iznos od 500 KM.
- i) **Fond će troškove nalaza koji se ne mogu dobiti u javnim zdravstvenim ustanovama ili su iznimno hitni (potvrda doktora), kao i CT snimak i magnetna rezonansa u privatnim zdravstvenim ustanovama za člana Fonda i članove porodičnog domaćinstva snositi 100%.**

član 11.

Zahtjev za dodjelu pomoći član Fonda solidarnosti za liječenje podnosi OSO čiji je član.

Uz zahtjev dostavlja svu potrebnu dokumentaciju; nalaze komisije, mišljenje ljekara specijaliste, originalni računi, otpusno pismo, troškove liječenja, troškove za nabavku ortopedskih pomagala i druga prateća dokumenta, **koja ne mogu biti starija od 3(tri) mjeseca.**